

vente, ita fervebat opus divinum ut triennio vix emenso post mortem laudati viri principis ne unus quidem obduratus in totâ gente remaneret.

Quod ad præsens tempus spectat, RR. P., omnia ut spero in tuto sunt posita. Barbara gens corde non ficto fidem videtur profiteri. Multitudinem christianorum vix continet sacra domus, licet septuaginta cubitorum longitudine. Ter in die conveniunt oraturi et audituri, quater verò diebus festis in quibus præcipuè vix cibi capiendi superest temporis morula, quod præstat flagrans ardor ad sacrum tribunal accedendi. Quotidianus labor insumitur in visitandis ægrotis, controversiis componendis, delinquentibus corrigendis, concionibus habendis, pueris instituendis et rebus sacris administrandis. Mei misertus prope sexagenarii, R. P. S^t Pé præpositus missionis, socium providit qui in istâ Dⁿⁱ vineâ elaborandâ totus incubat. Nunc senex nulliusque penè valetudinis, maximè doleo quod me imparem experiar in ediscendis linguis barbarorum commorantium in circuitu, nondùm sacro fonte expiatorum.

ARMANDUS DE LA RICHARDIE S. J. m.

[Endorsed: "Lettre du P. Armand de la Richardie. Mission de l'Assomption des Hurons. 21 juin 1741. au T. R. P. Gen."]

[Endorsed: "Après 2 ans chez les Hurons (à Quebec?) le P. Duparc l'envoie chez les Hurons dont il connaissait le triste état sous le rapport religieux. Travaux inutiles pendant plusieurs années."]